

MAP PLUS. FILOHA RAVALOMANANA

Mihitsoka ny firenena, asa maika voalohany ny resaka sakaf

Tao aorian'ny kongresy nasionalin'ny antoko Tiako i Madagasikara (TIM) ny 1 jolay lasa teo, miroso mitety faritra mampahafantatra ny MAP Plus amin'izao fotoana ny filoha Marc Ravalomanana. Tany Marovoay faritra Boeny izy ny faran'ny herinandro teo. Mihihitsoka tanteraka ny firenena ankehitriny, hitondrana vahao-lana voalohany sy maika ny resaka sakaf hoy izy : "faly tena faly aho mihaona mivantana aminareo eto Marovoay androany manazava voalohany ny MAP PLUS. Marovoay dia anisan'ny sompit'i Madagasikara. Asa maika voalohany ao amin'ny MAP PLUS ny hitondrana vahao-lana ho an'ny sakaf. Raha vary no resaka dia eo: ny Omby, ny Rano, ny Masomboly, ny tanimbar, ary ny tantsaha. Kanefa raha tsy omena se-hatra ny tantsaha, tsy omena fampiofanana sy fitavona enti-mamokatra mifanaraka amin'ny vanimpotoana sy vaninandro dia zava-poana dia zava-poana ny ezaka atao'izy ireo. Noho izany ny MAP Plus dia manome lanja manokana ny famokarana sy ny fambolena ary ny sakaf ho an'ny Malagasy rehetra



Ny filoha Marc Ravalomanana tany Marovoay.

tsy ankanavaka. "

Nifanakalo hevitra tamina mpandrahara ha mpamokatra sy mpanodina ny vary ihany koa ny filoha Ravalomanana tany Marovoay izao.

Isambilo

Hery Rasoamanana

Mitombo isan'andro toy ny fakon'lariavo ny fahantrana eto amintsika



Hery Rasoamanana, teratany Malagasy mipetraka any ivelany.

Mandaloo eto an-tanindra-zana amin'izao fotoana, Andriamatoa Hery Rasoamanana, Malagasy monina any ampitandrano-masina. Tsy mandry ny sainy manoloana ny lavaka mangitsokitsoka misy ny firenena Malagasy ankehitriny hoy izy, ka mitafa aminareo gazety Ny Valosoa mikasika ny raharaha-pirenena eto amintsika. Mandaloo matetika eto an-tanindra-zana aho hoy Hery Rasoamanana ary ao anatin'izany aho dia manara ny raharaha misy eto amin'ny firenena hatrany, Mna eto Madagasikara na any Belgique izay toerana ipetrahako. Mihazakazaka ny raharampirenenia eto Madagasikara, saingy mampametram-panontaniana hoe mihazakazaka mankany amin'ny ratsy sa any amin'ny tsara, ka ny hatahorako dia mety handeha any amin'ny hantsana tsy ampoizina izany, noho ny tsy fahaiza-mittant'an'ny fitondrana Rajoelina. Ny zavatra mahavarana ankehitriny dia hoe efa akaiky ny fidifidiana, nefo ny mahavarana dia mbola tsy misy lalampanjakana mamoaaka ny daty marina hiatrehana izany. Ny zavatra manahirana ahy ary mahasadaikatra hoy Hery Rasoamanana dia ny fitotongan'ny fainan'ny vahoaka manontolo. Menatra ny tena satria any amin'ny tany iasako dia miteny daholo hoe ahoa-na Hery Rasoamanana, fa tany manankarena sy tsy misy ady Madagasikara nefo miha-mahantra ianareo any Madagasikara. Menatra ny tena mamaly hoy izy, satria mba olona manampahai-zana amin'ny fahasala-

tsony i Andry Rajoelina, satria namitaka ny vahoaka Malagasy. Eto aho dia mameetraka ny fitokisana sy ny fanantenana tanteraka amin'ny filoha Marc Ravalomanana, hanarina ny firenana izay latsaka ao an-davaka mangitsokitsoka izao. Velombolo izahay any ampitandrano-masina, indrindra ny tenako Hery Rasoamanana, fa hirotsaka ho fidiana ho filohampirenenia ny filoha Marc Ravalomanana nandritra ny kongresy nasionalin'ny antoko TIM ny sabotsy 1 jolay 2023. Ao aorinany tanteraka izahay hoy Hery Rasoamanana ary matoky fa hiarina i Madagasikara Nosy mamint-sika.

Helisoa

Mishah Rasolofo

Simba ny foto-pisainana eto amintsika, hiverina hampianatra eny ifotony ny PFSCCM

Mijoro amin'izao fotoana ny PFSCCM : Plateforme de la Société Civile pour le Changement de Madagasikara, na vovona fiarahamonim-pirenena ho an'ny fanovana eto Madagasikara, tarian-dRamotoa Mishah Rasolofo. Vovonana firaismanim-pirenena eto misandrahaka eto amin'ny Nosy, neutre na mijanona ho hery afovoany ary mipaka amin'ny vahoaka eny ifotony ny asany. Simba ny mentalité na ny foto-pisainana eto Madagasikara ankehitriny, anisan'ny hataon'ny PFSCCM ny hiverina hampianatra eny ifotony, hanarina izay foto-pisainana simba izay. Hery afovoany ny PFSCCM, satria raha tsara ny ataon'ny mitondra dia mitehaka amin'izany izy ireo, fa raha ny mifanohitry amin'izay, mitondra tsikera ho fanitsiana ny dia ity vovonana ity. Taloha na zaza 7 lahy sy 7 vavy aza velon'ny ray aman-dreny hoy Mishah

Rasolofo ; ankehitriny anefa, zaza 2 tsy velona na sarotra ny mamelona izany, misy tsy mety mila harenina izany hoy izy, ka mila fampianarana sy fanofana ny vahoaka, satria misy zavatra tsy voafehy ao, toy ny tsy fahafehezan'ny mpitondra amin'izao ny fitantanam-pirenena. Ny misa no ampiant'ny PFSCCM, fa ny tsy manao zavatra. Natsangana manerana ny Nosy ny vovonana, satria misy tsy maty manota eto amin'ny firenena, misy tsindry hazolena, indrindra amin'ny vehivavy ; maro ny tanora tsy an'asa, misy ny olo-mahay nefo mivarilavo amin'ny zava-mahadomelina, hijoro hiady amin'izany rehetra izany ity vovonana ity.

Mitovy zo

Ankoatra izany, misy ny fihevrena diso ho an'ny olona sany ankehitriny : ny filazana fa

Ramotoa Mishah Rasolofo
avy amin'ny PFSCCM.

mitovy zo ny lahy sy vavy, tsy midika fa afaka manao izay rehetra tiany atao ny vehivavy. Misy fetrany izay fitovian-jo izay. Ao an-tokantrano, mijanona ho loham-pianakaviana foana ny lehilahy, noho izay antony izay, mila fanofanana manokana ny Andriambavilanitra : hampahafantarina azy ny toeran'ny lehilahy sy ny vehivavy eo amin'ny safidim-bahoaka no tena hivoaka. Amin'ny maha-hery afovoany ny PFSCCM, hiteny ny mety sy ny tsy mety izy ireo, satria mety samy tsy hanaiky ny kandidà sy ny mpanao politika ao aoarin'io fidifianana io, noho izany amafisiko ihany, aoka ho tena ny safidim-bahoaka no hipoitra.

Isambilo

Ny Valosoa sy fakafaka

Bus class, bus 1000, teleferika
Fitaterana tsy mahavaha
olana sy fampandriana
adrissa

Hita sy tsapa tamin'reeo mpandeha mifamezivezy eto an-drenivohitra sy ny manodidina, fa tsy ampy vola ny ankamaroan'ny olona, ka dia aleony mandeha an-tongotra hatrany toy izay mandeha fiara fitaterana raha mbola mety sy azo atao. Tsotra ny nambaran'ny zokiolona iray sendra ny gazety teo Anosy, nanao hoe: ny mandeha an-tongotra sady fanatanjahantena, no fitsitsiana ny vola kely ananana, nefo mba haingana ihany koa raha ny fitohana etsy sy eroa no jerena, satria avy eny Analakely izy vao maraina tokony ho tamin'ny 9 ora teo, nefo izy indray no tonga aloha teny amin'ny fitsarana Anosy noho ny fiara fitaterana taksibe iray raha niara-niala teo anoloan'ny Fjkm Analakely teo. Nanamafy ity rangahy, fa fatiantoka ara-bola sy arapotoana ireny raha mbola mikiry mandeha fiara fitaterana na taxi hatrany izy raha izany, hita porofo avokoa izany rehetra izany. Nisy koa ramatoa iray tafaresaka tamin'ny mpanao gazety teo Anjoma teo, nilaza fa asa fitaterana tsy mahavaha olana, tsy misy tombontsoa raha iny "bus class" iny, satria raha miala eo Analakely ka ho eny llafy Avaradrano izy sy ny zanany, ka handeha iny fiara lazaina fa manara-penitra iny, dia efa ahitana elanelany 1500 Ar sahady ny saran-dalana tokony haloa, raha oharina amin'ny fitaterana tsotra, izany hoe: raha manao mivern-droa amin'ny fiara taksibe tsy class izy minaka, dia mba 1400 Ar fotsiny ihany, nefo raha "bus class" io no nandehanana, dia 6000 Ar sahady. Teo dia nanamarika ity ramatoa sendra ny mpanao gazety, fa mbola ho mafy noho ny mafy ny vola hivoaka, lany, raha iny teleferika iny koa no handehanana, satria, ny fotoana hakana azy dia efa olana ho anay eny llafy ohatra, sarotra ny haka azy eny Ambatobe na Analamahitsy raha ho eny Soarano na Anosy ohatra, ho very fotoana, lany vola, ka dia aleo mandeha taxi-moto indray raha voatery. Tsorina fa raha 4000 Ar ny saran-dalana teleferika ohatra, dia ho henjana ny vola lanin'ny tokantrano iray raha izany, aiza koa ireo bus 1000 nambara fa ho avy eto, sa atao fanaovana propagandy indray amin'izao fidifianana ho avy izao? izay tsy mahavaha olana sy fampandriana adrissa fotsiny ihany raha jerena.

Beharo